

Գրիգոր Նարեկացի պետհավատարմագրված համալսարան
Госаккредитованый университет Григор Нарекацци
Grigor Narekatsy State Accredited University

ԴՊՐԱՏՈՒՆ

Գիտական հոդվածների ժողովածու

ДПРАТУН
Сборник научных статей

DPRATUN
Collection of Scientific Articles

1(4)
2016

Ստեփանակերտ
Степанакерт
Stepanakert

«Դիզակ պլուս» իրատարակչություն
Издательство “Дизак плюс”
“Dizak plus” Publishing House

ՀՏԴ 001
ԳՄԴ 72
Դ 825

Հրատարակվում է 2011թ.
Издается с 2011г.

ԳԼԽԱՎՈՐ ԽՄԲԱԳԻՐ

ՀԱԿՈԲՅԱՆ ՎԱՐԴԱՆ - բանասիրական գիտությունների դոկտոր, պրոֆեսոր,
Ստեփանի «Գրիգոր Նարեկացի» համալսարանի ռեկտոր

ՊԱՏԱՍԽԱՆԱՏՈՒ ԽՄԲԱԳԻՐ

ԲԵԳԼԱՐՅԱՆ ԺԱՆԱՆ - ՀՀԳ ամբիոնի ղոցենտ, բանասիրական գիտությունների
թեկնածու

Դպրատուն: Գիտ. Հողվածների ժող. /Գրիգոր Նարեկացի պետիա-
Դ 825 վատարմագրված համալս. -Ստեփանակերտ: Դիզակ պյուս, 2016.
Հ. 1(4):2016 / Խմբ. Խորհուրդ՝ Ա. Ավագյան և ուրիշ: Գլխ. Խմբ.՝
Վ. Հակոբյան.- 128 էջ:

ԽՄԲԱԳՐԱԿԱՆ ԽՈՐՀՈՒՐԴ

ԱՎԱԳՅԱՆ ԱՐԾՐՈՒՆ-ԲԱՆԱՍԻՐԱԿԱՆ ԳԻՏՈՒԹՅՈՒՆՆԵՐԻ ԴՈԿՏՈՐ, ՊՐՈՓԵՍՈՐ, ԵՊՀ
ԲԱՆԱՍԻՐԱԿԱՆ ՖԱԿՈՒԼՏԵՏԻ ԴԵԼՎԱ

ԱՎԱՆԵՍՅԱՆ ՎԱԼԵՐԻ-ՊԱՍՏՈՆԱԿԱՆ ԳԻՏՈՒԹՅՈՒՆՆԵՐԻ ԴՈԿՏՈՐ, ՊՐՈՓԵՍՈՐ, ԱՐԴ
ԱՊՐՈԽԵԿՏՈՐ

ԱՐՁՈՒՄԱՆՅԱՆ ԼԻԼԻԹ-ԲԱՆԱՍԻՐԱԿԱՆ ԳԻՏՈՒԹՅՈՒՆՆԵՐԻ ԴՈԿՏՈՐ, ՊՐՈՓԵՍՈՐ, <<
ԲՈՀ-Հ ՆԱԽԱԳԱԽ

ԳՐԻԳՈՐՅԱՆ ԱՄԱԼՅԱ-ԲԱՆԱՍԻՐԱԿԱՆ ԳԻՏՈՒԹՅՈՒՆՆԵՐԻ ԹԵԿՆԱԾՈՒ, «ԳՐԻԳՈՐ ՆԱՐԵ-
ԿԱՑԻ» համալսարանի հայոց լեզվի և գրականության ամբիոնի պատասխանուու

ԴՈՒՌԻԽԱՆՅԱՆ ԱԵԼԻԽԱ-ՀԱՅԱՍՏԱՆ ԹԵՂԵՎԱԿԻ-ԱՆԴԱՄ, ԵՐԵՎԱՆԻ ՄԱՆԿԱՎԱՐԺԱԿԱՆ
ՀԱՆԱՍԻՐԱԿԱՆԻ ԲԱՆԱՍԻՐԱԿԱՆ ՖԱԿՈՒԼՏԵՏԻ ՀԱՅ ՀԻՅՆ ԳՐԱԿԱՆՈՒԹՅԱՆ ԱՄԲԻՈՆԻ ՎԱՐԴԻ

ԴԵՎՐԻԿՅԱՆ ՎԱՐԴԱՆ-ԲԱՆԱՍԻՐԱԿԱՆ ԳԻՏՈՒԹՅՈՒՆՆԵՐԻ ԴՈԿՏՈՐ, <<ԳԱԱ Մ.ԱՐԵ-
ՅԱՆԻ ԱՆՎԱՆ ԳՐԱԿԱՆՈՒԹՅԱՆ ՀՆԱՏԽՈՒՍԻ ՄՈՆՈՐԵՆ

ԹՈՎԱՍՍՅԱՆ ԱՐԿԱՐԻ-ՄԱՆԿԱՎԱՐԺԱԿԱՆ ԳԻՏՈՒԹՅՈՒՆՆԵՐԻ ԹԵԿՆԱԾՈՒ, ՂՈցԵՆՏ,
ԱՐԴ ԻՆԳԵՔԲԱՆՈՒԹՅԱՆ և ՄԱՆԿԱՎԱՐԺՈՒԹՅԱՆ ԱՄԲԻՈՆԻ ԴԱՍԱԽՈՒ

ԹՈՎԱՍՍՅԱՆ ԼՈՒԽԻՆԵ-ԲԱՆԱՍԻՐԱԿԱՆ ԳԻՏՈՒԹՅՈՒՆՆԵՐԻ ԹԵԿՆԱԾՈՒ, «ԳՐԻԳՈՐ ՆԱ-
ՐԵԿԱՑԻ» համալսարանի օտար լեզվի ամբիոնի վարիչ

ԻՍԱԿԱԿՅԱՆ ԱՎԵՏԻՔ-ԲԱՆԱՍԻՐԱԿԱՆ ԳԻՏՈՒԹՅՈՒՆՆԵՐԻ ԴՈԿՏՈՐ, ՊՐՈՓԵՍՈՐ, <<ԳԱԱ
Մ. ԱԲԵՂՅԱՆԻ ԱՆՎԱՆ ԳՐԱԿԱՆՈՒԹՅԱՆ ՀՆԱՏԽՈՒՍԻ ՄԵՔՍԱՏԱՐԱՆՈՒԹՅԱՆ ԲԱԺՆԻ ՎԱՐԴԻ

ՀԱԿՈԲՅԱՆ ՍԵՎԱԿ-ՀԻՐԱՎԱՐԱՆԱԿԱՆ ԳԻՏՈՒԹՅՈՒՆՆԵՐԻ ԹԵԿՆԱԾՈՒ, ԼՂՀ գլխավոր դա-
տախագի տեղակալ

ՀԱՐՈՒԹՅՈՒՆՅԱՆ ԳՐԻԳՈՐԻ-ՄԱՆԿԱՎԱՐԺԱԿԱՆ ԳԻՏՈՒԹՅՈՒՆՆԵՐԻ ԴՈԿՏՈՐ, ՊՐՈՓԵ-
ՍՈՐ, «ԳՐԻԳՈՐ ՆԱՐԵԿԱՑԻ» համալսարանի տարրական կրթության և մեթոդիկայի ամբիո-
նի վարիչ

ՄԱՍԱՍՅԱՆ ԱԼԵՔՍԱՆԴՐ-ՎԻԼԻՀԱՆԻԿԱՅԱԿԱՆ ԳԻՏՈՒԹՅՈՒՆՆԵՐԻ ԴՈԿՏՈՐ, <<ԳԱԱ ԹԵ-
ՐԱՎԻ-ԱՆԴԱՄ, ԵՊՀ տեսական վիլիհանիկայության և տրամաբանության ամբիոնի վարիչ

ՄԱՐԳԱՐՅԱՆ ՄԻՐԱՆՈՒԾ - ԲԱՆԱՍԻՐԱԿԱՆ ԳԻՏՈՒԹՅՈՒՆՆԵՐԻ ԹԵԿՆԱԾՈՒ, <<ԳԱԱ
Մ. ԱԲԵՂՅԱՆԻ ԱՆՎԱՆ ԳՐԱԿԱՆՈՒԹՅԱՆ ՀՆԱՏԽՈՒՍԻ ԳԻՏԹՎԱՐՄՈՒԴԱՐ

**ԱԼԻՍԱ ԲԱՂԱՍԱՐՅԱՆ
Բանասիրական գիտությունների թեկնածու**

**ՄԱՔՍԻՄ ՀՈՎՀԱՆՆԻՍՅԱՆԻ ԱՐՁԱԿԸ. ԼԵԶՎԻ
ԵՎ ՈՃԻ
ՄԻ ՔԱՆԻ ԱՌԱՋԱԿԱՏԿՈՒԹՅՈՒՆՆԵՐ**

Բանալի բառեր՝ Հովհաննիսյան, Արցախ, հերոս, լեզու, ոճ, արձակ, բարբառ, հեղինակ, խոսք, բնություն:

Մաքսիմ Հովհաննիսյան գրողի ինքնատիպությունը պայմանավորված է ոչ միայն ժանրային առանձնահատկություններով, թենատիկ բազմազանությամբ, բարձր ինտելեկտուալությամբ, հովագերի ու զգացմունքների բնականությամբ, այլև կենդանի, պարզ ու գունեղ լեզվով: Գրականագետ Էդվարդ Զրբաշյանը գրում է. «Գրականության ազգային յուրահատկության կարեւորագույն գծերից մեկն էլ լեզուն եւ արտահայտչական միջեցներն են, որոնք անմիջաբար կրում են ազգային գեղարվեստական մտածողության կնիքը: Դրանով է, առաջին հերթին, որոշվում գրական ստեղծագործության ազգային նկարագիրը»:(1) Ս. Հովհաննիսյանի արձակն աչքի է ընկնում պատկերավոր, սեղմ ու ներդաշնակ խոսքով, հետաքրքիր նկարագրություններով եւ դիպուկ բնորոշումներով: Իրատես ու սրակի նկարագրություններով եւ ընդհանրացումներով, առողջ մեկնաբանությամբ, քնարականի ու վիպականի համադրմամբ նա ստեղծում է արժեքավոր գործեր, ասելիքը կենտրոնացնում իր հերոսների բնավորությունների ներսում: Աշխարհը, նրանում ապրող մարդը, վերջինիս կյանքն ու նրանով պայմանավորված անցուդարձը գրողը պատկերում է դիպուկ երկխոսությունների, սրամիտ մտքերի, յուրօրինակ համեմատությունների, արցախյան բարբառի ընդգծված դրսեւորումների միջոցով:

Մաքսիմ Հովհաննիսյանի արձակի լեզվառձական առանձնահատկությունները բազմազան են եւ արժանի են լուրջ ուսումնասիրության: Այդ առանձնահատկություններից մեկը հեղինակի, պատմողի եւ հերոսի խոսքն է: Ընդհանրապես, ցանկացած ստեղծագործության մեջ խոսքը պայմանավորվում է երկերի գաղափարական,

*Հոդվածն ընդունվել է 10.11.2016:

Հոդվածը տպագրության է երաշխավորել Գրիգոր Նարեկացի համալսարանի հայոց լեզվի և գրականության ամբիոնը:

հուզական բովանդակությամբ ու կերպարների բնավորությամբ:

Հեղինակի, պատմողի եւ հերոսի խոսքերը, որպես լեզվական առանձին շերտեր, Հովհաննիսյանի արձակում ընդգծվում են տարբեր հարաբերակցությամբ:

Հովհաննիսյանի պատմվածքներում կարեւոր տեղ է գրավում հեղինակային խոսքը, որի կառուցվածքով է պայմանավորվում ստեղծագործության փիլիսոփայական եւ հոգեբանական բովանդակային իրադրությունը: Նրա հերոսները երբեմն ավելի շատ հենց հեղինակի խոսքում են անհատականացվում, ձեռք բերում իրենց դիմագիծը: Այդ պատճառով էլ գրողի արձակում հեղինակի եւ հերոսի խոսքի անորսալի փոխանցումներում հանդիպում ենք հերոսների ոչ սեփական ուղղակի խոսքի, երբ խոսքային երկու տարբեր շերտեր միատեղվում են հեղինակի խոսքում: Օրինակ, «Հարեւաններ» պատմվածքում հեղինակը, խոսելով հերոսի մասին, արտահատում է հերոսի ներքին ձայնը՝ առանց ավելորդ միջամտությունների. «Հիմա Մինոնք հ՞նչ անի: Գյուղը թողնի գնա՞»: Գնա՝ ո՞ւր գնա հարյուր տարվա գյուղացի մարդ. սովո՞ւր ունի, կիմ-երեխա: Լավ բանջարանոց ունի: Ուեհան է աճում՝ հենց տանես ցուցահանդես: Մարդ կով է պահում, խոզ է պահում: Եշ ունի: Խելոք է, բայց Արել չի, խորամանկ չի ու դավաճան չէ»: (2) Նման օրինակները շատ են: Այսպես, հերոսուիի Աշխենի ներքին խոսքը ձուլվում է հեղինակի խոսքին «Նշանի մատանի» պատմվածքում, Հեղուշի ձայնը՝ «Արմատ»-ում, Չորհաբինը՝ «Քարկեծ»-ում, Վարսիկինը՝ «Կնանիք»-ում եւ այսպես շարունակ:

Հեղինակի, պատմողի եւ հերոսի խոսքի հարաբերակցության իմաստով Ս. Հովհաննիսյանի արձակում իր առանձնահատուկ տեղն ունի պատմողի խոսքը, առանձնապես՝ «Գյուղացի մարդիկ» պատմվածաշարում: Նրանցում պատմողի խոսքը հանդես է գալիս որպես կապող օղակ հեղինակի եւ հերոսների միջեւ: Այսուղի մի կողմից՝ շատ բան կա հեղինակային խոսքից ու վերաբերմունքից, մյուս կողմից՝ նրանում զգալիորեն արտահայտվում է հերոսի խոսքը, որը կամ մեզ է բերվում պատմողի խոսքում, կամ ձուլվում նրան: Տեղին է հիշել Ս. Ս. Բախտինի հետեւյալ դիտարկումը՝ «պատմողի խոսքը երբեք չի կարող մաքուր օբյեկտային լինել», (3) այսինքն՝ նույնանալ հերոսի խոսքին:

Հեղինակի եւ պատմողի լեզվամտածողության միասնությունը Հովհաննիսյանի արձակի ժողովրդական լեզվառձային կառուցվածքին բնորոշ եղանակներից է: Հեղինակի կողքին տեղ է տրվում նաեւ նրա կրկնորդին եւ սյումեն պատմողին, որն իր հետաքրքիր գույներով գարդարում է հեղինակային խոսքը, կամ էլ այդ պատմողը դառնում է մի ինքնատիպ «ձայնափող»: Այս երկալան, երկճյուղ պատումի ձեւը հայ արձակում առաջին անգամ օգտագործել է

Ակսել Բակունցը: Հովհաննիսյանի արձակում այս կառուցվածքի հետաքրքիր օրինակներից մեկը «Դրախտի ծոր» պատմվածքն է, որն ունի Ե' պատմող, Ե' հեղինակ: Այստեղ հեղինակը մի կողմ է կանգնում՝ ծայնը տալով պատմողին («Դրախտի ծորում աշուն է: Աշունը մարմանդ շաղում է Դրախտի ծորում») Ե' այլն: Ինչ Վերաբերում է Մաքսիմ Հովհաննիսյանի պատմվածքների հերոսներին, ապա աներկրա կարելի է ասել, որ նրանց զգացողություններն ու զգացմունքները լավագույն ծեւով դրսեւորվում են թե՛ հեղինակի կամ պատմողի, թե՛ հենց իրենց՝ հերոսների խոսքի միջոցով: Հերոսների կարծիքների ու եզրակացությունների դիտակետում գրողը բացահայտում է դեպքեր, դեմքեր, բնավորություններ, որոնց դրական ու բացասական դրսեւորումներն իրենց հետքն են թողնում: Այսպիսի մի բացահայտման դրսեւորում է «Անթառամը» պատմվածքը: Պատումի ռեալիստական ընդգծումների մեջ արծարծելով նյութի արժեւորման առկայությունը՝ գրողը կարեւորություն է տալիս մարդու հոգեւոր ընդգրկումներին: Անուշավանի մարդկային տեսակի բացահայտումներից են այս յուրօրինակ բնութագրումները, որոնք ոչ միայն նրա կենսակերպն են ներկայացնում, այլև՝ բնավորության գծերն ու հոգեվիճակները, որը հարեւանների մտահոգությունների, գրույցների միջոցով է առերեսվում.

«- Կամ նա, կամ Էշ մեջքին զցած ջուլը:»

- Մի ասա, կնիկը բախտի բան Է,- պաշտպանում է Օսեկը, - Անուշավանը ումի՞ց է պակաս, դիմումը՝ կրնատակին, գործատեղը՝ արեւով երդում են, բայց էս մի հարցում տղու բախտը չի բերել:

- Ճիպոտը իրա քոլիցը կտրեր:

- Օրենք Է՝ սեխի լավը չաղալը կուտի, - բորբոքվում է Աղվանը»: (4)

Գործածելով ժողովրդական բառաֆոնի առանձնահատկությունները՝ Հովհաննիսյանը հերոսների շուրթերով հնչեցնում է պահը պատկերող, պատկերն ամբողջացնող թեավոր մտքեր, որոնց ծանոթացանք վերը հիշատակած հատվածում: Հենց այս ծեւաչափի մեջ էլ պարզ են դառնում Անուշավանի կնոջ, Մուկ Փառավոնի աղջկա՝ Սեղա Փառավոնովնայի լավ ու վատ արարքների, ճիշտ ու սխալ քայլերի մասին որոշակի իրողություններ:

Հովհաննիսյանի արձակին բնորոշ են երկխոսությունների Ե' ուրիշի ուղղակի խոսքի տարբեր դրսեւորումներ: Օրինակ՝ «Ակամա փեսացու», «Եվ սիրտն ասաց», «Անտառապահ Սելիքը Ե' ուրիշներ», «Ելեզիա», «Իրիկնային թախիծ» Ե' այլ պատմվածքներում բաց երկխոսություններն ու ուրիշի ուղղակի խոսքը գերիշխում են հեղինակային խոսքի նկատմամբ:

Ակտիվ, առողջ, աշխույժ երկխոսությունները Ս. Հովհաննիսյանի գեղարվեստական արձակի կառուցվածքի կարեւոր բաղադրիչներից են, կերպարների անհատականացման յուրօրինակ բաղադ-

րամասերից: Նրանց միջոցով գրողը կերտում է իր հերոսներին, բացահայտում նրանց հոգեկան աշխարհը, բնավորությունը, կյանքի ձանապարհը, արտահայտում նրանց խոհերն ու զգացմունքները, բնութագրում նրանց միջավայրը: Երկխոսությունները բարձր են իրենց կատարման, մտքի, ձեւի ու բովանդակության տեսանկյունից: Նրանց մեջ չեն գտնի միապաղադության, ձանձրույթի, շաբանային մտքերի փոքր իսկ նշույլ, այնտեղ պահպանված են կոլորիտային բոլոր նրերանգները:

Անկախ նրանից, թե ինչ նպատակով եւ ինչին է ուղղորդված խոսքը, այն շարադրված է համապատասխան չափ ու ձեւի մեջ, բովանդակային յուրօրինակությամբ: Ուշագրավ է «Արցունք, որ ցայտել է երեխայի աչքերից» պատմվածքի կերպարներ՝ չարուկրակ Կամոյի եւ թերթի խմբագիր Մարտին Արգարիչի երկխոսությունը.

«- Կամո, ի՞նչ է եղել:

- **Պապիկը կանչում է:**

- **Բա՞ն է պատահել:**

- **Պապիկն ասել է՝ չասես ծնունդ է, ասել է՝ Մարտին Արգարիչին ասա՝ եկ նարդի խաղանք:**

- **Իսկ պապիկը նարդի խաղալ սովորե՞լ է:**

- **Սովորել է. հոպար Շահենին ամեն օր տանում է:**

- **Ինչի՞ց իմացար:**

- **Ամեն օր հոպարը մի ուժի վրա կանգնում է ու ծույրուդու կանչում»:**(5)

Հովհաննիսյանի արձակում հանդիպում ենք նաև ուրիշի ուղղակի խոսքի այն ձեւին, որը կոչվում է ռեպիկ: Հեղինակն այն օգտագործում է միջավայրի կարծիքը, մարդկանց հավաքական ամբողջության, կոլեկտիվի հայեցակետն ու դիրքորոշումն արտահայտելու համար, որը գրողը ներկայացնում է որպես ուրիշի խոսք՝ դնելով գծիկ.

«- Դե հիմա կերեք, մարդու ետեւից դագան կապեցիք ու գյուղից փախցրիք:

- **Բա, նրա նման վարիչ Լեռնաղբյուրը ո՞չ տեսել է, ո՞չ էլ տեսելու է:**

- Երբ թե նրան ի՞նչ վնաս եք տվել, մարդը ամիսը երեք հարյուր, չորս հարյուր ռուբլի ռոճիկ է ստանում,- իսկույն որոշեցին տեղում:

- **Տեսա՞ք, թե Արուսը ինչ բախտավորության հասավ:**

- **Ամեն մեկդ մի բան չասեք, իրար սիրում էին՝ պրծավ գնաց»:**(6)

Ուղարկի բնույթ են կրում հերոսների հատուկենտ արտահայտությունները, որը եւս առկա է Հովհաննիսյանի արձակում.

«Ես ո՞ր հերամեռն արեց:

- **Ծիծ է ծծե՞լ:**

- **Անդաստիարակ...» :**(7)

«- Եսօր քաղիանին եմ նկատել, փոս տեղերը էնակե՞ս են լցվել, ասես ծաղկած շլորի լինի:

-Դուք նրա երեսն ասեք, ուրած փորդ շալակն առած, զյուղում էնակես է ման գալիս, ասես յոթը խաչ ու ավետարանով պսակ են արել»: (8)

Մաքսիմ Հովհաննիսյանի ոճը վիպական է, երբեմն քնարական, իսկ երբեմն էլ, հեղինակի վարպետության շնորհիվ մեծ հաջողությամբ համադրվում են թանձր էպիկականությունն ու նույր քնարականությունը, որոնք համեմված են ընդգծված երգիծանքով: Քնարականության հետ անխուսափելիորեն համադրվում է նաև ռիթմի ներքին զգացողությունը, որը որոշ արվեստագետների կարծիքով՝ անհրաժեշտ հանգամանք է արձակի համար: «Պրոզայում ռիթմի խորը զգացողությունը պարտադիր է»(9) , - նկատել է Ֆլոբերը: Սուպասանն էլ իր հերթին նշել է, որ արձակին անհրաժեշտ են չափն ու ռիթմն այսպես, ինչպես «յուրաքանչյուր առանձին դեպքում յուրաքանչյուր առարկային»(10):

Մ. Հովհաննիսյանը, իր հերոսներին օժտելով հարուստ ներաշխարհով, բարձր ճաշակով, մտքի սրությամբ իրականում ցույց է տալիս իր հոգու եւ մտքի բարձր թռիչքները: Նրա ստեղծագործ միտքը գեղագիտական նույր ընկալումների, բանաստեղծական պատկերների գեղեցիկ պահեր է պարզեւում ընթերցողին: Դրանք ամբողջական պատկերներ են, պահի, զգացողության ճիշտ ընկալումներ, որոնք կայանում են իրենց պատկերավորությամբ, յուրօրինակ սխեմայով, կառույցների ընդգծվածությամբ: Այսպես՝ «Դրախտի ծորում աշուն է: Աշունը մարմանդ շաղում է Դրախտի ծորում: Դրախտի ծորում լուր թախծում է: Արդյոք իր անցած կանաչներն է հիշում, իր խենթ գարունները...»

Քայլում եմ լրված այս հովտով, նայում մոշի թիերին, Լալիկի խոսքին եմ ականջ դնում, հուսահատ հարցում եմ անում ծանոթ փոխնենում: Մոշի թիերում շորերիս ծվեններն եմ թռել, որտե՞ղ են դրանք: Լալիկ աղբյուր, պատմիր, խնդրում եմ, իմ մանկությունը: Գուցե դու, հնօրյա փռնչենի, հիշես անցած օրերս: Գիտե՞ս, քո պտուղներն իմ մանկության համն ունեն՝ դառնահամ-քաղցր: Դե, խոսեք, պատմեք իմ մանկությունը» (11):

Գրողը մարդուն մարդ պահելու իր ազնիվ նպատակն իրագործում է մարդ-քնություն կապի միջոցով: Բնության իրաշք պատկերների նկարագրման մեջ երեսում է Մ. Հովհաննիսյանի հոգու քնարականությունն ու բնությունը զգալու նրա ունակությունը: Բանաստեղծական մի գեղեցիկ դրսեւորում է հետեւյալ հատվածը. «Արեւը անցել է լեռան թիկունքը: Ամպերից անդրադարձած ձառագայթները պուներով կախվել են հեռավոր անտարի վրա: Թվում է՝ անտեսանելի մեկը ամպերին նստած ուկեհատիկ փոշի է մաղում, որի նարնջագույն հատիկները դանդաղ իջնում են անտարի վրա, նստում ծառերի տերեւներին, լուծվում տերեւներում ու գույն տալիս:

Անտառը ներկվում է աշնան հիվանդութ գույներով»: (12) Գրողը այս եւ ննանատիպ բնության անձնավորման պատկերներում ներկայացնում է աշխարհի շարժը, մարդուն եւ նրա ներաշխարհը: Նա իր ստեղծագործական խառնվածքով քնարական- բանաստեղծական շունչ է հաղորդում տողին, հուշի եւ վերհուշի արժեւորմամբ վերակենդանացնում է անցյալը, ասկածի տակ թաքնված կրահվելիք չափածով, սովորականի ու առօրեականի մեջ գրեթե կորած անսովոր գեղեցկությունների հայտնաբերումով, գրավիչ է դարձնում անգամ ծանրախոհ ու իմաստուն թախիծը: Փիլիսոփայահոգեբանական ճիշտ դիտարկումների, բանաստեղծական նուրբ ընկալումների, յուրօրինակ համեմատությունների շնորհիվ, գրողը տարածաժամանակային անհամաչափ ընդգրկումների մեջ դիտարկում ու վերծանում է մարդկային բնավորությունների հոգեբանական ճշգրիտ նկարագիրը: Գրողի պատմվածքներն աչքի են ընկնում իրենց սեղմ սյուժեներով, սակայն մեծ ասելիքով: «Պատմվածքներում գրողը չի հետեւում դասական պատմելածելին, հատուկ սյուժետային ընդգծումներին, այլ առանձին, սովորական թվացող դեպքերի, իրադարձությունների միջոցով բացահայտում է իր հերոսների կյանքի ու հոգեբանական որոշ նանրամասներ: Երկխոսությունների, վերհուշի, ներքին մենախոսության եւ այլ գեղարվեստական միջոցների օգնությամբ ստեղծվում են իրական ու շոշափելի կյանքի պատկերներ՝ իրական ու շոշափելի մարդկային կերպարներով: Հովհաննիսյանը, չբավարարվելով ներկայով կամ անցյալով, զուգադրում է այս երկու ժամանակային ընդգրկումները եւ դրանց միջոցով պատկերում ապագան կանխորոշող որոշակի դրվագներ: Հերոսները, վերհուշի միջոցով հայտնվելով տարածական եւ ժամանակային տարրեր ընդգրկումների մեջ, բնական գույներով բանականության սահմաններում ներկայացնում են իրենց կյանքի անբողջական պատկերը՝ իրենց բնավորության եւ հոգեբանության կրնկրետ շեշտադրումներով: Հերոսների հիշողությունները, ներքին մենախոսությունները, երկխոսությունները, համեմվելով հեղինակային ընդգծումներով ու համեմատություններով, բացահայտում են սյուժետային որոշակի տարրեր: Հովհաննիսյանը, շեշտը դնելով առավելապես իր հերոսների հոգեբանական անցումների վրա, առանձնապես չի մտահոգվում գործողությունների զարգացման պատճառահետեւանքային կապի հաջորդականությամբ: Ներկայի, անցյալի ու ապագայի ընդգծումներում նա ամբողջական պատկերացուն է տալիս հերոսների կյանքի, կենսակերպի, հոգեւոր եւ ֆիզիկական վիճակների մասին: Եվ այդ ընդհանրացումների, մթնոլորտի ու միջավայրի շեշտադրումների միջոցով հեղինակն արժեւորում է այն կարեւոր իրողությունը, որ մարդու ով լինելը պայմանավորված է նրա անցած ձանապարհի, նրա սկզբնավորման ու ապրած մանկության հետ: Այսպես, «Մոռացված արահետներ» պատմվածքում մանկության հուշերի, մոր դաստիարակչական մեթոդների արդյունքի դրական կողմերի մասին է մոր՝ որդուն ուղղված հետեւյալ հարց-համոզմունքը. «Չծեծե՛ ինձ համար գեներալ

տղա կդաշնայի՞՞»: Պատմվածքի գործողությունների զարգացման ընթացքին հետեւող իրողություններն ու պահերն արժեւորող Մխիթարի կերպարը եւս կարեւոր դերակատարություն ունի: Նրա ներքին մենախոսությունների, բարձրաձայնած մտքերի ու մեկնաբանությունների միջոցով Ս. Հովհաննիսյանն արտահայտում է իր դիտարկումներն ու դիրքորոշումները: Իսկ «Կնանիք» պատմվածքի հերոսուհին՝ Վարսիկը, իր կյանքի, ընտանքի անցյալի ու ներկայի մեջ ու փոքր ուրախություններն ու տիրությունները, երազանքներն ու իհասթափությունները հանրագումարի է բերում Ճանապարհի պատրաստությունները տեսնելու ընթացքում: Պատմվածքում խախտված է գործողությունների զարգացման պատճառահետեւանքային կապը, հետեւաբար բացակայում է ժամանակային հաջորդականությունը, եւ շեշտը դրվում է հատկապես հերոսուհու հոգեբանական անցումների վրա: Ինչից հետեւում է, որ պատումում ոչ թե սյուժեն է էական դեր կատարում, այլ հենց կյանքի ընթացքը, առօրյայի ինաստավորումն ու ապրումի, խոհի, զգացմունքի արժեւորումը: Հենց պատմվածքի այս ինքնատիպ կառուցվածքն էլ Վարսիկին հնարավորություն է ընձեռում րոպեների, ժամերի պայմանական տերողության մեջ վերապրելու անցյալը ընդհանրացնելով ներկան: Նա իր վերհուշի, ներքին մենախոսության, երկխոսությունների կարեւոր ընդգրկումների ընթացքավորման մեջ պատկերած կյանքի համայնապատկերում ընդհանրացնում է գյուղն ու գյուղացուն՝ իր բոլոր դրսեւորումներով: Գրողը հերոսուհու ներանձնական եւ միջանձնական հաղորդակցման միջոցով բացում է իրական կյանքի դրսերը: Հշողության, ներքին մենախոսությունների, հեղինակի եւ հերոսների մտքերի օգնությամբ բացահայտվում են ոչ միայն Վարսիկի ու իր աղջկների, այլեւ Զարելի եւ գյուղի այլ կանանց դժվար կերտվող ճակատագրերն ընդհանրացող նանրանամամեր: Գյուղում եւ քաղաքում ապրող կանանց ու աղջկների աջօրյան ու կենսակերպը, հոգեբանությունն ու բնավորությունը, բնականաբար, տարբերվում են իրարից: Նրանցից յուրաքանչյուրն ունի իր ուրույն ներաշխարհը եւ իր հիմնավորումներն ու մեկնաբանությունները՝ արտաքին աշխարհի նկատմամբ: Այստեղ հատկանշական է միջավայրի ազեցությունը, սոցիալ-հասարակական իրավիճակը եւ մի շարք այլ իրողություններ, որոնց մարդը բախվում է իր կյանքի խորհրդարորդ ճանապահին: «Վերջին որոշումը» խորհրդանշական վերնագիրը կրող պատմվածքի հերոսներ Արամն ու Վարշամը եւս իրենց խոսքի, վերհուշի ու ներքին մենախոսության միջոցով բացահայտում են ոչ միայն իրենց կյանքի հետաքրքի դրվագները, այլեւ իրենց գյուղի եւ գյուղացիների ճակատագրերը: Թե՛ այս, թե՛ նախորդ պատմվածքի հիմքում ընկած է գյուղի ու քաղաքի տարբերությունը եւ դրանց առաջացած հակադրության արդյունքում գոյացած հարցերն ու խնդիրները: Ինչ վերաբերում է «Նշանի մատանի» պատմվածքի հերոսուհուն՝ Աշխենին, ապա «Արդեն քանի տարի է, որ կողպերի տակ է դրել անցած օրերի հիշատակը: Այդ հիշատակն է եղել նրա նեցուկը: Եվ

անցյալը վերակենդանացավ աչքերի առաջ» (13).- գրում է հեղնակը Եւ այդ մեկնաբանությամբ էլ բացում անցյալի դրները ընթերցողի առաջ: Պատմվածքում ժամանակային տարբեր դրսեւորումներն առանց հաջորդականության ստեղծում են ենթասյուժեներ՝ հիշողության գործոնի միջոցով: Հերոսը, գտնվելով մի միջավայրում եւ վերհուչի միջոցով խախտելով ժամանակի ու տարածության հաջորդականությունը, կարողանում է ներկայացնել ներկայի Եւ անցյալի իրական ու երեւակայական պատկերները: Հովհաննիսյանն իր հերոսների բնավորության գծերի ու հոգեվիճակների ընդգծմանք է պատկերում կյանքը, ժամանակաշրջանը, հասարակարգը Եւ այն, որ յուրաքանչյուր ժամանակաշրջանում էլ, ցանկացած հասարակարգում, Եւ առհասարակ՝ կյանքում լինում են համանման պատմություններ, իրադարձություններ, դեպքեր ու դեմքեր: Կատարյալ ոչինչ չկա, աշխարհում ամեն ինչ հարաբերական է, հարաբերական է նաև ժամանակ կոչվածքը: Թերեւս այս հալրժության վրա է գրողը անտեսում տարածաժամանակային գործոնը, Եւ ինչպես «Կոխ» պատմվածքում է նշում: **«Ժամանակը՝ ոնց որ սելավ, ամեն ինչ սրբում-տանում է: Ժամանակի հետ շատ բաներ մոռացվում են: Շատ, բայց ոչ ամեն բան: Բաներ կան, որ չեն մոռացվում: Չեն էլ մոռացվի» :**(14)

Մաքսիմ Հովհաննիսյան գրողի ինքնատիպությունը պայմանավորված է նաև լեզվաօճական առանձնահատկություններով: Ցանկացած թեմա, որին ձեռք է մեկնում հեղինակը, հյուսում է լեզվական իր բնական ատաղձով, գտնում պատկերավորման Եւ արտահայտչական իր երանգները: Ինչպես ժամանակին նշել է Վ. Գ. Բելինսկին: «Տարբեր հեղինակների ստեղծագործությունների յուրահատուկ տարրերն այդ ստեղծագործության հիմքն են, այդ երկի նյութական մասը, նրա լեզուն, իսկ այն անհատականը, հեղինակի նախասիրած մաներան (գրելաձեւ) միայն նրան յուրահատուկ բառային արտահայտչական միջոցների համակարգն արդեն հեղինակի ոճն է»:(15) Ցարունակելով իր միտքը՝ քննադատն ավելացնում է նաև, որ «ՈՃ» ասելով մենք հասկանում ենք բնությունից անմիջաբար հեղինակին տրված՝ բառերը նրանց իսկական իմաստով օգտագործելու կարողությունը՝ ամեն ինչի վրա դնելով իր ինքնատիպության, անհատականության, իր հոգու յուրօրինակ կնիքը: Տաղանդավոր գրող-հրապարակախոսի բառերի մեջ, որպես հայելում, երեւում է արցախցու ճակատագիրը, նրա անզուգական տեսակը: Արցախցին մշտահոլով ցավի ու տառապանքի մեջ ճանաչելու իմացել է իրեն, օգտագործել է իր կենսագրությանը հարիր հավերժախոս բառեր, որոնք արցախցու շուրբերին ծիածանվում են՝ որպես իրականության Եւ երեւակայության ուղեկից: Բառերը պարունակում են այնախսի մտքեր ու հարցեր, որոնք հաջորդում են

իրար, ինչպես չվերջացող հավերժություն, փնտրության բները դառնում են անհրաժեշտություն, հարցականները՝ կենսաթրթիռ, ազգայինի եւ համազգայինի շրջանակներում, արցախաբույր ու արցախաթույր «... բարի լուրջ՝ տեսնես ուրիշ լեզուներում լուր հասկացությունը բառահանդերձանքով տարբերակվո՞ւմ է, թե ոչ, բարի լուրին ուրիշ անուն տալիս, ոչ բարի լուրին՝ ուրիշ, թե՝, այստեղ էլ մեր ազգային ճակատագիրը տեղ է արել իր տնքոցի համար՝ լուրի բորն ու գույմը շատ, ավետիսը՝ բաղձալի, դրա համար չէ՝, որ մեր երեխաների անունը դրել ենք Ավետիս, Ավետիք, Ավո...»: (16)

Բառն աշխարհ է, եւ այդ աշխարհը բացահայտելու համար պետք է օժտված լինել երեւույթի խորքերը տեսնելու ունակությամբ: Միայն ճիշտ ու դիպուկ ընտրված բառն է օժտված երեւույթը լիարժեք ներկայացնելու կարողությամբ, որի որոնումների ու գտնումների մշտառկա պայքարով են տարված միմիայն տաղանդավորները: Անտաղանդի համար հայտնություն է նաև երեւույթը ներկայացնելու անհամարժեք բարի աննպատակայնությունը: Քանի որ յուրաքանչյուր բառ իր կյանքն ունի, իր անցնելիք ճանապարհը, եւ ինչպես Մոպասանն է նկատել՝ բառը ոգի ունի, հարկավոր է գտնել այդ ոգին:

Հովհաննիսյանն այն գրողներից է, ում ձեռքին գրիչը դրել է երկնայինը: Նա իր մեջ ամբարած մտքերն ու զգացմունքները կարողանում է բառի ու բառակապակցությունների դիպուկ ընտրության շնորհիվ հասցնել իր նպատակային կետին՝ ստեղծելով գործեր, որոնք իրենց ձեւաչափի մեջ գերծ են ցանկացած տիպի ավելորդաբանությունից, ծանծնվածությունից ու ձանձրությունից: Գրողի գրվածքների հաջողության առանձնահատկություններից մեկն է՝ մտքի պարզ ու հակիրճ շարադրանքն է: Նրա ասված յուրաքանչյուր բառ նպատակային է, ճիշտ արձակած նետի պես դիպուկ: Երկարաշունչ նկարագրությունների, ծգձգված պարզաբանումների, մեկնաբանությունների փոխարեն մի քանի ամփոփ նախադասություն, եւ միտքը ստանում է իր բնանկարը: Մ. Հովհաննիսյանը, իր ասելիքն ամփոփելով բովանդակալից նախադասությունների մեջ, ազատ տարածություններ չի թողնում: Նրա լեզվի խտությունը շարունակաբար ճյուղավորվում է՝ հիմք դարձնալով յուրօրինակ ոճի դրսեւորմանը, որտեղ իրենց ուրույն դերն ունեն բարբառային բառերն ու բառակապակցությունները, ժողովրդական առած-ասացվածքները, որոնք առավել կառ գույներ են հաղորդում Ղարաբաղի ու ղարաբաղցու մասին կենդանի ու շոշափելիության չափ հարազատ պատմություններին:

Ազատ լինելով գեղարվեստական լեզվի ընտրության մեջ՝ Հովհաննիսյանը հարազատ է մնում իր ստեղծագործական խարնվածքին ու գեղագիտական հակումներին՝ ստեղծելով իր երկրին ու

բնաշխարհին համարժեք խոսք, համոզված լինելով, որ գրողի եւ նրա հերոսների ներքին ու արտաքին դրսեւորումները բացահայտվում են հատկապես նրանց լեզվի միջոցով: Ինչպես լեզվաբան Լ. Եզեկյանն է նշում. «Լեզուն գեղարվեստական երկի շինանյութը է, սկզբնատարրը, յուրաքանչյուր անհատի լեզվամտածողությունն արտահայտող իհմնական միջոցը, որի հետ սերտորեն արնչվում է նաև ոչը՝ որպես անհատականություն, ինքնատիպություն, բացահայտող լեզվական միջոցների համակարգը»:(17)

Մ. Հովհաննիսյանի ստեղծագործությունների լեզուն համեմված է ժողովրդական բառ ու բանով, բարբառային-ժողովրդախոսակցական բազմաթիվ բառերով ու արտահայտություններով: Գրող-հրապարակախոսի գրելաձեւն ապահովում է մի նոր որակ, որտեղ վարպետորեն համադրվում են գրական եւ բարբառային-ժողովրդախոսակցական կարեւոր նրբերամգները: Ինչպես Հովհ. Թումանյանը, Ակ. Բակունցը, Հր. Մաթեւոսյանը եւ ուրիշներ, Մաքսիմ Հովհաննիսյանը եւս գրական լեզվի հարստացման հարցում մեծ տեղ է հատկացնում բարբառին: Գրողի ստեղծագործություններում մեծ թիվ են կազմում անհայտ ծագման եւ բուն բարբառային բառերը, որոնք հնդեվրոպական ծագում ունեն եւ չեն անցել գրական լեզվին, սակայն պահպանվել են հայերենի բարբառներում ու խոսքածրություն, ինչպես՝ պողպատ, չանա, չոլախ, կյեվաթ, ճուվարան, դագան, շլոր, խոնչա, դանզա, ճոնդ, մթնաժոռած, թալաշա, փլիքան, ցաք, լիսկվել, ռեխկալի, ռեխ, թորխար, հախորել, կոթ, դոչ եւ այլն: Այսօրինակ բառերի առկայությունն արձակագրի բառաֆոնություն, պատահական բնույթ չի կրում: Արցախի բարբառից գործածված համապատասխան բառերի ասելիքը հնարավոր չէ արտահայտել լեզվական այլ տարբերակով: Արցախական մտածելակերպն ուրիշ է, նույնիսկ, եթե արցախցին խոսում է գրական լեզվով, նրա լեզվական շեշտադրումը, բառի հանդեպ արցախական վերաբերմունքը ուրիշ է: Հեղինակի պատմվածքներն ու ակնարկները համեմված են Արցախի բարբառային բառերով: Այսպես, «Մոշի քոլի սեւ սաք ճիթք կտրել»(18), «Մենք համեղին քաղցր ենք ասում, ասում ենք՝ քաղցր խոխա» (19), «Մուքամը զյուղի աչքի փսորն է»(20), «Արիեստ չունես, կըրթդ թերի...» (21), «Ճատ որ զահիա տարավ, Աղավնիկի ռեխ-մռեխը մի քիչ կարգավորեց» (22):

Թումանյանը զավարների կենդանի բարբառներին անտես չանելու կամ վերեւից չնայելու խորհուրդով նկատում է. «Եդ բարբառներից ամեն մինը ավելի շատ ուժ ու կենդանություն ունի իր մեջ, քան մեր եղած գրական լեզուն: Սա դեռ չի կազմակերպված եւ չի էլ կազմակերպվելու, մինչեւ որ մեր ժողովրդի լեզուն իր բոլոր դաշտերից, սարերից ու ծորերից կենդանի վտակներով կզա միանալու սրա մեջ եւ բոլոր բարբառները հանդես բերեն իրենց զանգերը»:

Այսուհետեւ նա պարզաբանում է՝ «Ես չեմ ասում զուտ բարբառով գրեցեք ձեր հոդվածները, բայց մեծ իրավունք տվեք բարբառներին, նրանց բառերին, ոճերին ու ձեւերին» (23):

Ինչ վերաբերում է Բակունցին, ապա զրական լեզվի կառուցվածքի մեջ տեղ տալով նաեւ փոխառություններին (ռուսաց լեզվից) եւ գրաբարին (հատկապես՝ ժողովրդական բարբառներում պահպանված գրաբարյան բառածեւերին), գրողն, այնուամենայնիվ, գեղարվեստական գրականության ոճալեզվական մայր ավագանը համարում էր ժողովրդական բառագանձն ու ժողովրդական լեզվակառուցվածքները՝ դրանց վրա դնելով ոճային-արտահայտչական կարեւորագույն խնդիրների լուծումներ:

Մաքսիմ Հովհաննիսյանի հերոսները Արցախ աշխարհի մարդիկ են՝ իրենց առօրյայով ու կենցաղային խնդիրներով, ուստի, այդ մարդկանց եւ նրանց միջավայրին տիպիկ երանգավորում տալու համար հեղինակը դիմում է մայրենի բարբառին՝ ապահովելով համապատասխան խոսքային միջավայրը: Նրա հերոսների խոսքը աչքի է ընկնում իր բնականությամբ, համ ու հոտով, հատկապես, երբ այն ուղեկցվում է ժողովրդական խոսքով՝

ա. անեծքներով՝ *Այ քո հերն եմ անիծել, Հեռամեռող թաղեմ, Հողը փառանձեմի զիսին, Փուչ մնաս, որ փուչ եղար, Զիսիս քար ընկնի, Ցեխձոր շինողի հոր ոսկորները շունը քաշ տա, Հողեմ զուխսդ եւ այլն, որոնց մի մասի ժխտական կազմությունը խոսքին հաղորդում է հորդորական կամ հանդիմանական երանգ՝ Քո հոր զիսին քար ընկնի, Մաշոյի երեսը կտրվի:*

բ. հայինանքով՝ *Ղե ձենդ կտրի..., Դրա ռեխավեր..., Կուտեք հա..., ձենդ կտրիր, ռեխտ փակիր, Վա՛յ, Ես ձեր ծնված օրը..., Քո օրեխնես նախազահիդ...,*

գ. օրինանքներով՝ *Ոտազալիքս բարի լինի էս օջախում, Մարդուս վերջը լինի բարի, Ուշ զիշերով խեր լինի:*

Թերեւս տեղին է նշել հայտնի լեզվաբան Վ. Առաքելյանի այն ընդգծումը, թե «մեր գրական լեզվի երակային առողջ զարկերը, համն ու հոտը կենդանի հնչերանգները, գունեղ արտահայտությունները, թեւավոր խոսքերը եւ այլն գալիս են բարբառներից» (24):

Հովհաննիսյանի ստեղծագործություններում հանդիպող բարբառային-ժողովրդախոսակցական գրեթե բոլոր բառերն ու արտահայտությունները հասկանալի են ու հարազատ ընթերցողին, ինչին նպաստում է նաեւ նրանց ճիշտ ընտրությունն ու տեղին գործածությունը: Ընթերցողի համար բնավ անսովոր չէ այն երեւույթը, երբ գրողը մի շարք անձնանուններ ու տեղանուններ գործածում է կրծատ ձեւով, նաեւ հնչյունափոխված (բարբառային) տարբերակներով, ինչպես Հովհիկ, Վալոդ, Օսեփ, Ալոշ, Օհաննես, Արշո, Մարզո,

Արուս, Վաճեսանց թաղ, Աշունց թաղ եւ այլն:

Հովհաննիսյանի արձակում շատ են նաեւ ժողովրդախոսակցական այն բառերը, որոնք գրական լեզվի համապատասխան բառերի հնչյունափոխված ձեւերն են՝ էս (այս), էդ (այդ), էստեղ, մեր (մայր), հեր (հայր), էսօր (այսօր), էդակես (այդպես), գել (գայլ) եւ այլն:

Գրողի ստեղծագործություններում էս, էդ, էդքան եւ այլ դերանունների գործածությունն օրինաչափ է՝ պայմանավորված դրանցում արծարծվող թեմայով: Բերված դերանունների կիրառության հիմնական ոլորտն ուղղակի խոսքն է.

- Էդ ինտելիգենտներին պետք է քշել մեր երկրից:
- Են էլ չգիտե՞մ, որ հաշվապահների տասից ինն ուսում է:
- Էդքան բախստ որտեղից:
- Հարսիդ ու տղիդ առաջ էնպես խայտառակեմ, որ հորդ հարսանիքը միտող գա:

Ինչպես գրականագետ Լ. Հախվերդյանն է նշում. «էս» այս եւ նման գործածերից ամեն մեկն ունի գործածության իր տեղը»(25):

Հովհաննիսյանը հմտությամբ օգտագործում է նաեւ փոխառություններ, որտեղ մեծամասնություն են կազմում Ղարաբաղի բարբարին անցած, ժողովրդի կենդանի խոսքի կարեւոր բաղադրամաս դարձած ռուսերենից կամ վերջինիս միջոցով փոխառված որոշ բառեր՝ ինտելիգենտ, պլաստիմկա, ստիլյագա, տրամվայ, շտրաֆնիկ, սենտիմենտալ, կոմպլիմենտ, նաշալնիկ, ռիժի, միլիցա, կոմպրես, ինկուբատոր, սարայ, մանեթ, ֆրոնտավիկ, բունկեր, կանցելյար, չորտ, մինիստր, պրիկազ, վերտալյոտ, կոռումպացված, կնյազ եւ այլն:

Հետաքրքիր է Հովհ. Թումանյանի դիտարկումը փոխառությունների վերաբերյալ. «Ոչ մի լեզու, ինչքան էլ իր ազգային բնավորությունը պահի ու օարգացնի, չի կարող փոխառություններից ազատվել եւ կղզիանալ: Ընդհակառակը, քանի օարգանա, էնքան ավելի շատ, ավելի բարդ պահանջների պիտի պատասխանի եւ ավելի շատ ու առատ պիտի թե՛ փոխս առնի, թե՛ փոխս տա:

Եվ միշտ ավելի լավ է չունեցած բառը փոխս առնել, քան ձգնել անպատճառ ստեղծել կամ թարգմանել ու ֆրակը շինել պոչազգեստ, կոտլետը կողիկներ կամ ռահատ լոխումը հանգստապատահ»(26):

Գրողի ստեղծագործություններում տեղ են գտել նի շարք նորակազմություններ, որոնք մեծամասամբ բարբառային «նախածեւերի» հեղինակի կողմից մշակած-գրականացրած տարբերակներն են: Օրինակ՝ կարկուտաթակ, խոսքատակ, հեռաքաշ, մարդաթող, կուլակապ, խոսքահոտ, կեսօրահաց, խոսքուծե, ճտահանել, քնահարը, կողքահար եւ այլն:

Մաքսիմ Հովհաննիսյանի արձակում ուշագրավ են նաեւ բարբառային հարադրությունները՝ լեն ու բոլ, քունջ ու պուճախ, թուփակ-թուփակ եւ այլն:

Հարադրի բարդությունների մեջ հետաքրքիր են այն հարադրի բայերի կառուցվածքը, որոնց անվանական բաղադրիչը բարբառային է, իսկ բայական բաղադրիչը՝ գրական, օր՝ ճիտը զցել, աչքը

կողմել, հեռ գալ, կոտր ընկնել, մրափ մտնել եւ այլն:

Հովհաննիսյանի լեզվաօճական յուրահատկություններից մեկն էլ ժողովրդախոսակցական, ինչպես նաև գրական լեզվում իր տեղը գտած բառակրկնությունների կիրառությունն է: Այսպէս՝ «Լուսադեմին ծեր դրնապանը հատիկ-հատիկ հավաքում է բառերը, որոնք հետո դառնում են կուտակ-կուտակ ամպեր» (27), «Քարտաշ Մուրադի տղան պրոֆեսորի հետ նարդի է խաղում ու կում-կում սուրճ խնում» (28), «Աննարդ Օսաննան մեծ-մեծ, չաղ-չաղ կրներ ունի» (29), «Օսանի կրներն անամոթ-անամոթ մերկացված են» (30), «Երեխաներն անուշ-անուշ քնած էին» (31) եւ այլն:

Ս. Հովհաննիսյանի պատմվածքներն ու ակնարկներն իրենց լրջության, առաքինի ծեւավորման հետ մեկտեղ պարունակում են նաև պատկերակերտ ձայնարկություններ, կոչեր ու ափսոսախառն արտահայտություններ, որոնց հաջորդող բազմակետերի լրության արանքում ամենակարենոր բառերն ու զգացմունքները բառացիորեն չեն ասվում՝ հաղթահարվում են լրությամբ: Եվ ի հավելումն այդ ամեն ինչ ասող լրության՝ բառերը շարունակում են եւ բառադասման անամբողջ պատկերը դարնում է ամբողջական: Հեղինակի պահ-զգացմունքի նկարագրական վերլուծումը եւս տպավորիչ ու շոշափելի է դարձնում իրապատճերը: Կոչականների եւ մի շարք այլ պատկերավոր ձայնարկությունների ու նրանց շարունակող բազմակետերի ներգործության ծեւակերպումներում արեւելսվում են ապրումների, հատկապես՝ ցավի ու տառապանքի ներսն ու դուրսը. «Արշակը իջնում է, որ ջրաղացի ջուրը կտրի ու հրացանից տրաքոց է լսվում՝ վախ... Սաքունց Բախչու ունքը վեր է թռչում, դեմքի մկանը ուզում է դողալ, բայց պահում է, ինքն էլ չիմանալով՝ ինչպես» (32), «Ե՞ն, մեկ չէ՞ քեզ համար, թե ում հետ կամուսնանա» (33), «-Օհո՞, դուք արդեն սկսել ե՞ք,- նկատելով սեղանին դրված կոնյակի շիշը՝ ասում է Աշխենը եւ հրավիրում մեզ սեղան նստել» (34), «Վայ, Օհաննես ապա...» (35), «-Այ քեզ Վանի, այ քեզ նախազահ, դե կե՞ր» (36), «Հը, քաղաքի հարսները սիրո՞ւն են, - չարախնդաց Մեխակը» (37), «Ծառը սկսեց երերալ, թո՞ւհ, վերջապե՞ս» (38) եւ այլն:

Հովհաննիսյանն օգտագործում է նաև գրաբարյան արտահայտություններ՝ 5-րդ դարի եւ Ամարաս վանքի անդրադարձման ժամանակ: Օրինակ՝ «մտոք Երեխաներ», «զբանս հանձարոյ», «ցորյան» եւ այլն:

Արձակագիրն իր պատկերավոր մտածողության շնորհիվ հասնում է ասելիքի կոնկրետության, նկարագրվող երեւութի բազմակողմանի բացահայտման, խոսքի գեղարվեստական հնչեղության, հոլովականության:

Ըստ բանասեր Ա. Մարությունի. «Համեմատության ձիշտ կառուցումը պայմանավորված է գրողի գեղարվեստական մտածողությամբ, կախված է նրա դաստողականությունից, արտաքին առար-

կաների ու Երեւոյթաների միջև Եղած կապերն ու ընդհանրությունները տեսնելու, դրանք բանաստեղծորեն ընկալելու եւ զգալու ունակությունից»(39) :

Մ. Հովհաննիսյանի տողը հարուստ է դիպուկ համեմատություններով, տեղին ու նպատակին գործածվող դարձվածներով ու ժողովրդական իմաստություններով, արցախյան հողի ու նրա բարբառի համ ու հոտն իր մեջ ամփոփող բառ ու բանով։ Բնավորություն, հոգեվիճակ, կենսակերպ բնութագրող հետաքրքիր համեմատություններն առանձնահատուկ շունչ ու նկարագիր են տալիս գրողի լեզվամտածողությանը։ Գրողն իր արժեքավոր գրչի յուրօրինակ դրսեւորումներով, բառային գունավոր խաղով նկարում է կարեւոր բաներ կարեւոր բաների մասին։ Եվ, եթե բնության գիտակ Համո Սահյանը մարմնավորել, անհատականացրել է բնության այս կամ այն Երեւոյթը, շարժը, ապա Հովհաննիսյանի արձակում տեղի է ունենում հակառակ Երեւոյթը։ Նա մարդու այս կամ այն արարքը, բնավորության գիծը, հոգեվիճակը, դիմագիծն ու միմիկան համեմատության մեջ է դնում բնության այս կամ այն դրսեւորման հետ։ Այս համեմատությունները իրենց թարմությամբ, կայացած կառույցներով աշխուժություն են մտցնում անգամ դրամատիզմով լեցուն նկարագրություններում։ Այսպես՝ **Համբարձու թվակալած հոնքերն ավելի են իջնում աչքերին** (40), **Առավոտյան նախազահի հետ բռվեց եւ ամբողջ օրը՝ կեղտութերան ու զգվելի՝ դարձել էր քոլի աղու տանձ** (41), **Սեխակը ներսում եփ եկավ, մեջքի սեռով մի կեծություն անցավ, եւ կամքը սկսեց կաշկանդվել, դարձավ օրուկին կարծ կապած զամբիկ ձի՝ ո՛չ բաշը կարող է մեկնել կանաչից մի փոքր կծել, ո՛չ էլ կարող է մեջքի արյունը ծծող բռուերը քշել։ Անտիկոն բռոից էլ աներես է** (42)։ Տրակտորի ամպիովանին այլեւս չի օգնում, եւ արեւը կատաղած շան պես քոլոտում է մեզ, Ով չի իմանում, որ հոնուտեցիք բանջարանց մտած գոմեշ են, ամեն ինչ ուղի տակ են տալիս, միայն թե իրենց յավա ռեխը ման ածեն (43), եւ այլն։

Հովհաննիսյանն իր ասելիքն ամփոփելով բովանդակալից նախադասությունների մեջ՝ ազատ տարածություն չի թողնում։ Նրա լեզվի խսությունը շարունակաբար ճյուղավորվում է՝ հիմք դառնալով յուրօրինակ ոճի դրսեւորմանը, որտեղ իրենց ուրույն դերն ունեն դարաբաղցու միտքը բնորոշող բարբառային եւ ժողովրդախոսակցական դարձվածքները, առածներն ու ասացվածքները, որոնք բարձրաձայնվում են հենց հերոսների շուրջերով։ Օրինակ՝ **Զեռը խաղողին չհասավ, թե խակ է, Հաշան շունը չի կծիլ, Լուն ուղտ են դարձնում, բեռնում աքլորին, Փետր վերցնես՝ գող կատուն իր հաշիվը կվերցնի, Ճիպոտը քոլիցը կտրել, Ականջների մսերը ուտել, Խոսքը ականջի ետեւը զցել եւ այլն**։

Այն, որ Մաքսին Հովհաննիսյանը թե՛ պատմվածքներում, թե՛ ակ-

նարկներում կարեւոր տեղ է հատկացրել բարբառային-ժողովրդախոսակցական բազմաթիվ ձեւերին, բնավ չի նշանակում, թե հեղինակը չի կարող ստեղծագործել «մաքուր» գրական հայերենով։ Նրա գրչին փոքրիշատե ծանոթ ցանկացած մարդ կարող է համոզվել նրանում, որ նա լավագույն ձեւով տիրապետում է գրական հայերենի բոլոր նրբություններին, պարզապես, որպեսզի իր ընտրած միջավայրն ու մարդիկ իրենց իրական ու կենդանի պատկերն ու նկարագիրը ստանան, անհրաժեշտ է դիմել մայրենի բարբառի գանձարանին, ինչը տվյալ լեզվում ոչ թե խանգարում, այլ՝ նպաստում է գեղանկարչի նրբությամբ ամենայն մանրամասնությամբ ընդգծելուն եւ Արցախի ու արցախցու յուրօրինակ դեմքն ու դիմագիծն ընդհանրացնելուն։ Ինչպես լեզվաբան Լ. Եզեկյանն է նշում. «Հայ գրողները առանց վարանելու պետք է բարբառներից վերցնեն այն, ինչը անհրաժեշտ է ու մատչելի, բառային ու քերականական այն ձեւերն ու միջոցները, որոնք չկան գրական լեզվի մյուս ոլորտներում եւ որոնք կարող են դառնալ ընդհանուր գործածական, համաժողովրդական-խոսակցական...»(44):

Մաքսիմ Հովհաննիսյանը, ստեղծելով լեզվաոճական իր ուրույն համակարգը, իր նպաստն է քերում հայ գրականության լեզվի զարգացման գործում։

ԾԱՆՈԹԱԳՐՈՒԹՅՈՒՆՆԵՐ

1. Бахтин М., Проблемы поэтики Достоевского, Москва, 1972 г., 363 с.
2. Բելինսկի Վ., Երկերի ժողովածու, Հատոր III, Երեւան, 1954 թ., էջ 204:
3. Եզեկյան Լ., Հրանտ Մաթեոսյանի խոսքարվեստի մի քանի հարցեր, Երեւան, 1986 թ., 172 էջ:
4. Եզեկյան Լ., Հայոց լեզվի ոճագիտություն (ուսումնական ձեռնարկ), Երեւան, Երեւանի համալսարանի հրատարակչություն, 2007թ., 367 էջ:
5. Թումանյան Հովհ., Երկերի ժողովածու, հատոր IV, Երեւան, «Հայաստան» հրատարակչություն, 1969 թ., 490 էջ:
6. Кожинов В. Слово как форма образа. // Слово и образ. Сб. ст./ Москва. Издательство "Просвещение", 1964 г. 288 с.
- 7.Հախվերդյան Լ., Զրույցներ լեզվի մասին, Երեւան, «Սովետական գրող» հրատարակչություն, 1986 թ., 192 էջ:
8. Հովհաննիսյան Մ., Արցախ իմ, ցավ իմ, Երեւան, «Նսակի» հրատարակչություն, 1998 թ., 284 էջ:
- 9.Հովհաննիսյան Մ., Երկեր, առաջին հատոր, Ստեփանակերտ,

«Կաչագան Բարեպաշտ» հրատարակչություն, «Սոնա» գրատուն, 2005թ., 468 էջ:

10.Հովհաննիսյան Ա., Հոգնած Երեկո, Ստեփանակերտ, «Կաչագան Բարեպաշտ» հրատարակչություն, 2010 թ., 336 էջ:

11.Մարության Ա., Հայոց լեզվի ոճաբանություն, Երեւան, «Նախրի» հրատարակություն, 2000 թ., 243 էջ:

12.Զրբաշյան Էդ., Մախչանյան Հ., Գրականագիտական բառարան, Երեւան, «Լուս» հրատարակչություն, 1980 թ., 350 էջ:

13.«Պատմա-բանասիրական հանդես», 1964 թ., N 3:

ԱՄՓՈՓՈՒՄ

**ՄԱՔՍԻՄ ՀՈՎՀԱՆՆԻՍՅԱՆԻ ԼԵԶՎԻ ԵՎ ՈՃԻ ՄԻ ՔԱՆԻ
ԱՌԱՋԱԿԱՏԿՈՒԹՅՈՒՆՆԵՐ**

ԱԼԻՍԱ ԲԱՂԴԱՍԱՐՅԱՆ

Սույն հոդվածը նվիրված է տաղանդավոր գրող Մաքսիմ Հովհաննիսյանի լեզվի եւ ոճի մի քանի առանձնահատկություններին:

Մաքսիմ Հովհաննիսյան-գրողի ինքնատիպությունը պայմանավորված է ոչ միայն ժանրային ու թեմատիկ բազմազանությամբ, բարձր ինտելեկտուալությամբ, զգացմունքների բնականությամբ, այլև կենդանի, գունեղ լեզվառձական առանձնահատկություններով: Գրողը, իր ասելիքն անփոփելով բովանդակալից շարադրանքում, բաց տարածություններ չի թողնում: Նրա լեզվի հարստությունը շարունակաբար ճյուղավորվում է, նպաստում յուրօրինակ ոճի դրսեւորմանը, որտեղ իրենց ուրույն դերն ունեն բարբառային բառերն ու բառակապակցությունները, ժողովրդական առած-ասացվածքները, հետաքրքիր համեմատությունները, որոնք առավել վառ գույներ են հաղորդում նրա պատումներին: Մ. Հովհաննիսյանը լեզվառձական իր ուրույն համակարգով իր բաժին նպաստն է բերել հայ գրական լեզվի զարգացմանը:

РЕЗЮМЕ

**НЕСКОЛЬКО ОСОБЕННОСТЕЙ ЯЗЫКА
МАКСИМА ОВАНЕСЯНА**

АЛИСА БАГДАСАРЯН

Ключевые слова: Максим Ованесян, Арцах, герой, язык, стиль, проза, диалект, автор, слово, природа.

Эта статья посвящена некоторым особенностям языка и стиля талантливого писателя Максима Ованесяна. Свообразие автора Максима Ованесяна обусловлено не только разнообразием тематики и жанров, высоким интеллектом, естественностью чувств, но и живым, красочным языком и стилистическими особенностями. Обобщая свое слово в содержательном повествовании, писатель не оставляет пробелов. Богатство его языка постоянно развивается, способствует проявлению своеобразного стиля, где особое место занимают диалектные слова и словосочетания, народные пословицы и поговорки, интересные сравнения, которые придают более яркие цвета сказаниям. Своей особенной языковой системой М. Ованесян внес свой вклад в развитие армянского художественного языка.

SUMMARY

SEVERAL FEATURES OF MAXIM HOVHANNISYAN'S LANGUAGE AND STYLE

ALISA BAGHDASARYAN

Key words: Maxim Hovhannisyan, Artsakh, hero, language, style, prose, dialect, author, speech, nature.

This article is devoted to the talented writer Maxim Hovhannisyan's language and style features. Maxim Hovhannisyan writer's originality doesn't lie only in genre and theme variety, high intelligence, naturalness of feelings, but also live, colorful linguistic features.

The writer, concluding his speech on meaningful context, doesn't leave empty spaces. The richness of his language is continuously branching out, contributing to original expression of style, where the dialectal words and phrases, folk proverbs, interesting comparisons, that make his stories more colorful have their own place. Maxim Hovhannisyan's linguistic system has its own contribution to the development of the Armenian literary language.